

IQRA'

Bil. 3/2022
MAC

eISBN : 2735-1920



**Majlis Tazkirah Bulan Mac 2022:
Topik Transgender**
PTAR Shah Alam - muka 4



**Majlis Jasamu Dikenang, Budi Disanjung:
Encik Wan Abdul Rahim Wan Omar**
PTAR Segamat - muka 17



**Taklimat Orientasi Perpustakaan & Lawatan
Berpandu Kepada Pelajar Baharu**
PTAR Dungun - muka 30




**Bengkel Pemantapan Pengurusan Pusat
Sumber Kolej Komuniti Tapah, PTAR Tapah**
PTAR Tapah - muka 51



**LIVE@PTAR Bicara Bersama Pakar Mata:
Glaukoma: Pencuri Senyap Penglihatan**
PTAR Hospital UiTM - muka 54

PROMOSI@PTAR



**REFORMASI PENTADBIRAN INSTITUSI ISLAM
DAN PERANAN RAJA-RAJA**
25 MAC 2022

**BULETIN
IQRA**

**PERPUSTAKAAN TUN ABDUL RAZAK
SHAH ALAM**

Disediakan oleh: Asmah Sabtu



Untuk menonton semula:



Sinergi antara Perpustakaan Tun Abdul Razak (PTAR) dan Kursi Institusi Raja-Raja Melayu UiTM Shah Alam diperhebatkan dengan penganjuran webinar berjudul Reformasi Pentadbiran Institusi Islam dan Peranan Raja-Raja, pada 25 Mac 2022 jam 10:00 pagi.

Webinar yang telah berlangsung selama dua jam ini mengundang Profesor Datuk Dr. Shamrahayu Ab. Aziz membincangkan perkara 11 Perlembagaan Persekutuan menyatakan bahawa Islam merupakan Agama Persekutuan. Sungguh pun begitu agama-agama lain boleh diamalkan dengan aman dan damai di mana-mana Bahagian Persekutuan.

Tiga perkara utama yang ditekankan iaitu pertama, Islam adalah agama bagi persekutuan dan persekutuan ada tanggungjawab untuk melaksanakan agama bagi persekutuan tersebut; kedua, kedudukan agama Islam sebagai agama persekutuan tidak menafikan kebebasan rakan-rakan yang tidak menganut agama Islam untuk mengamalkan agama mereka tetapi hendaklah menggunakan formula aman dan damai; ketiga, urusan Islam ini boleh dilakukan atau dipanjangkan keseluruhan persekutuan, walaupun ianya berada di bawah payungan naungan duli-duli tuanku raja-raja, ianya boleh dipanjangkan di peringkat persekutuan melalui Yang Dipertuan Agong dan mendapat perkenan majlis raja-raja.

Sejumlah 708 orang penonton telah mengikuti program yang bersiaran secara langsung menerusi dua platform iaitu Facebook dan YouTube.

